



ARUBA COLLEGE FAIR 2010

Diabierna
5 November 2010
10am - 8pm

Diasabra
6 November 2010
10am - 6pm

Lugar: Renaissance Convention Center

"My future, my decision!"

Hues ta haya cu entre Fresnos y Gobierno no tin un acuerdo firma

Fresnos mester lanta beslag poni riba Bushiri

ORANJESTAD – For di diaranzon tabata en espera di e sentencia di e caso cu Gobierno y Baron Investment a cuminsa contra Fresnos 16 S.L. pa lanta e beslag cu a pone riba Bushiri.

Ta asina cu diaranzon Hues no a dicta sentencia y a palabra cu ayera lo dicta sentencia. For di oranan di mainta, redactor di casonan di Corte tabata na Corte pa haya e sentencia aki. A resulta cu e sentencia no tabata cla mainta. Ta despues di 3'or di atardi e sentencia a keda cla y esaki a wordo gefax pa e abogadonan en cuestion. Redactor di casonan di Corte a logra haya copia di e sentencia caminda Hues basicamente ta ordena Fresnos pa lanta e beslag poni riba Bushiri

Hotel. Mester bisa cu e sentencia ta consisti di 9 pagina caminda Hues a bay hopi amplio riba e correspondencia cu tabatin entre Gobierno y Fresnos.

NO TIN ACUERDO FIRMA

Hues den su evaluacion di e caso ta muestra cu e hecho cu desde 20 Juni 2007 tabatin negociacionnan andando, no ta duna Fresnos e derecho di erfpacht. Hues a muestra cu e hecho cu e partidonan tabata den negociacion y cu lo a sera un acuerdo, no ta duna Fresnos e derecho pa haci demanda riba e tereno.

Hues ta haya cu a base di loke a wordo treci padilanti den Corte, no por bisa cu entre Fresnos y Gobierno tin un acuerdo cu ta haci

cu Fresnos tin derecho riba e tereno. Ta un hecho cu Fresnos no a firma e acuerdo firma di Gobierno fecha 15 di Juni 2007 encuanto erfpacht. E motibo cu Fresnos no a haci esaki ta pasobra e tabata kier claridad riba e tereno di waf. Esaki ta haci cu e momento ey no tin un acuerdo firma y como tal Fresnos no tin derecho riba tereno erfpacht. Enberdad tabatin intercambio di contacto encuanto e proyecto en especial riba e plannan di Gobierno pa cu mudamento di waf. Sinembargo for di e intercambio di e contactonan ey no ta sali na cla cu a yega na un palabracion conhunto.

NO TIN DERECHO RIBA ERFPACHT

Hues a sigui muestra den su evaluacion cu for di e "memorandum of understanding" no ta sali na cla cu Fresnos tin derecho ariba entrega di e tereno. Ademas ta asina cu e memorandum no a wordo firma.

Ta asina cu e minister nobo y tampoco APA a firma e memorandum. Hues ta conclui cu no por bisa cu a base di e memorandum, Fresnos tin derecho riba e erfpacht ariba cual a laga pone beslag.

MESTER LANTA BESLAG RIBA BUSHIRI

Hues su decision final ta cu Fresnos mester lanta e beslag poni riba Bushiri Hotel.

Despues cu a ser conoci decision di hues pa lanta beslag riba Bushiri Hotel

Awor proceso di benta por continua y ta spera cu otro aña ruinan di Bushiri Hotel lo wordo removi

Segun Minister Otmar Oduber



Minister Otmar Oduber

mester retira e beslag inmediatamente, asina un comunicado di prensa di Ministerio di Turismo, Labor y Transporte ta informa.

E mesun comunicado ta bisa cu Minister Otmar Oduber despues di esaki a muestra su satisfaccion pa cu e resultado y a indica cu e resultado mester a cay for di diaranson caba, pero mirando e vonnis por a mira e motibo pa cual a tuma un tiki mas cu normal. E veredicto ta uno basta extenso, un total di 9 pagina, caminda hues ta duna un analisis di loke a tuma lugar y ta duna rason na Gobierno di Aruba pa loke ta trata su demanda. Asina grupo Fresnos mester lanta e beslag

cu nan a pone riba e propiedad di Bushiri inmediatamente y hues ta bay asina leu hasta cu ta bisa cu e costonan legal no solamente di Pais Aruba, pero tambe di Baron Investment (cual ta e grupo cu Gobierno ta bezig na e momentonan aki pa cu Bushiri) mester wordo cubri dor di Fresnos. Tambe por bisa cu hasta pa loke ta trata e intencionnan cu lo por tabatin for di Fresnos pa den e reconventie logra haya cierto obligacionnan di Gobierno hues a rechasa esakinan.

Minister Otmar Oduber ta expresa cu ora analisa e veredicto por bisa cu claramente a wordo proba den Corte cu no tabatin acuerdo entre Gobierno anterior y

grupo Fresnos pa loke ta trata e adkision di terenonan adicional riba tereno di waf, tampoco tabatin acuerdonan pa loke ta trata e diferente exigencianan cu tabatin for di e grupo di Fresnos.

Gobierno a duna e grupo aki tur oportunidad, pero nan no a cumpli y den bienestar general a continua cu e proceso pa yega na un solucion pa un ruina cu tin casi 8 aña cera. "Mi ta kere cu esaki lo persigui e ex-mandatario, e politico aki pa historia ta e hecho cu como politico Arubano bo a scoge pa para banda di un grupo pafo cu kier a perhudica futuro di Pais Aruba".

Awor e proceso cu Baron

Investment lo por continua, un grupo cu a muestra su interes pa cu e proyecto aki y cu a reuni cu Minister Oduber e siman aki mes hunto cu dos alto ehecutivo di Hilton, arkitekto y ingenieronan cu tabata na Aruba.

Minister di Turismo a indica cu awor cu tin un veredicto den man, lo bay over pa invita e grupo pa e proceso continua su caminda pa mas pronto cu ta posibel yega na un solucion, yega na un acuerdo cu e grupo aki y "cu poder di Dios na cuminsamento di otro aña nos por mira cu e ruinan aki ta wordo removi for di caminda Bushiri ta na e momentonan aki", segun e mandatario.

ORANJESTAD - Ayera atardi decision di hues den e caso di beslag riba Bushiri a wordo conoci: Grupo Fresnos